



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 156. Turcæ Serviam petunt, Georgium aggressuri

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A.C. 1454.

§. CLVI.

Turcæ Serviam petunt, Georgium aggressuri.

Chalcondyl. **H**oc anno Mahometes Serviam seu Ra-
l. 8. sciam invasit, & Novogradum, (alii
Æn. Sylv. de Neophrygum appellant) urbem metallo-
Europ. c. 5. rum venis celebrem jam olim a se cap-
tam, denuo occupavit. Georgius Ser-
viæ Despota sive Princeps, cum audisset,
quod Turcæ capta Constantinopoli suas di-
tiones invaderent, altera jam vice auxilium
ab Hungaris petiit, & in Austriam usque
profectus, Ladislaum Regem ibi agen-
tem adiit. Vir hic ætate venerabilis, sed
Græcorum erroribus adeo pertinaciter
addictus erat, ut post longius colloquium
cum Joanne Capistrano de Romanæ Ec-
clesiæ fide habitum, tandem responde-
ret: „ Annis nonaginta vitam traxi, nec
„ alia mihi Religio nota est præter eam,
„ quam a Majoribus recepi (*) Capistra-
„ nus

(*) *Tam futili quoque argumento Prote-
stantes non raro agnitæ veritati resistunt, non
perpendentes, Religionis veritatem non ab er-
roris vetustate auctoritatem mutuare; nec pa-
rum in eo hallucinantur, quod errorem unni-
ducentos annos & paulo amplius senem ob Ma-
jorum suorum reverentiam deserere detraherent.*
cum

„ nus vero in id jam unice incumbit, ut Sæcul. XV.
 „ me ætate profectum ad amentiam re- A. C. 1454.
 „ digat: Ast malo vitam amittere, quam
 „ mentem mutare. „ His dictis Capi-
 „ stranum dimisit, ad sua reversus.

§. CLVII.

Georgii Serviciæ Despotis obitus.

Georgius domum rediens, Michaellem
 Zigalium Huniadis avunculum, qui
 fines Hungariæ tegebat, intercipere co-
 nabatur, sed paucis post diebus ab eo-
 dem Michaelle ad ripam Danubii captus,
 cum se gladio defendens duos digitos
 dexteræ amisisset, magna auri vi liberta-
 tem suam redimere coactus est: Non ta-
 men diu supervixit, eo quod sanguis ex
 truncata manu profluens nunquam sisti
 potuerit. Successorem in Principatu suo
 habuit Ladislaum juniorem, cum natu
 majores ab Amurate oculis orbati fuis-
 sent. Ex quadam tamen Æneæ epistola
 discimus, quod Georgius ante finem an-
 ni millesimi quadringentesimi quinqu-
 gesimi

*cum tamen iidem Majorum suorum Religionem
 jam mille quingentos sexaginta octo annos ve-
 tustam ob unius impudici Apostatae auctorita-
 tem deserere, mutilare, & corrumpere non e-
 ruberint.*